

# Ejen, rakan kongsi cemerlang dirai

**Amanah Saham Nasional Bhd (ASNB)** meraikan prestasi cemerlang ejen dan rakan kongsi mereka di ASNB Starz Awards Night 2018 yang diadakan di Hilton Kuala Lumpur, baru-baru ini.

Pada majlis itu, seramai 50 pemenang menerusi 16 kategori telah menerima anugerah antaranya seperti Top Starz Award, PNB Award, dan ASNB Award.

Bertemakan 'Night for the Starz', malam anugerah yang memasuki tahun kelima penganjurannya itu meraikan kerja keras, sokongan serta pencapaian ejen ASNB serta badan kerajaan sepanjang tahun ini.

Majlis anugerah itu dihadiri oleh Presiden dan Ketua Eksekutif Kumpulan PNB, Datuk Abdul Rahman Ahmad dan Ketua Pegawai Eksekutif dan Pengarah Eksekutif ASNB, Mohammad Hussin.

Yang turut hadir, pengurus dan pengurusan kanan ejen ASNB, pengurusan kanan PNB dan ASNB serta tetamu kehormat dari 10 bank dan rakan ASNB yang lain.

Abdul Rahman berkata, majlis anugerah itu bertujuan mengiktiraf peranan utama ejen ASNB dan ekosistem komuniti pelaburan.

Beliau berkata, dengan bergabung bersama ASNB untuk memandu dan menggerakkan simpanan dalam kalangan rakyat Malaysia, adalah penting untuk ejen untuk turut berkongsi aspirasi PNB dalam meningkatkan tahap celik kewangan dalam kalangan rakyat Malaysia.